

陳存仁編校

皇漢醫學叢書

中神琴溪著
小野匡輔輯

生生堂治驗

上海中醫學院出版社

生 生 堂 治 驗
提 要

本書上下二卷。爲中神氏琴溪先生之驗案。門人小野匡輔所輯。匡輔三世其業。又承家訓。復負笈於千里之外。忝列於琴溪先生之門。數易寒暑。盡得其秘。輯錄平日疑難驗案。以資精研。臨牀學識。日積月累。集集成冊。刊布行世。以垂不朽也。本書所錄主名證候。或取矩於周漢。或參術於元宋。博采羣論。折衷古今。以成一家之言。可謂彙粹之精細矣。此皆琴溪先生天稟異常。胆略過人。其所揮霍刀圭。驅使藥石。有如良將使兵。龍韜豹略。雖奇正百出。而機捷縱橫。宜乎所施無往而不利也。

生生堂治驗序

甚矣醫之難明也。夫人命雖繫乎天。以七寸之七。生死八尺之軀。診候倉卒之際。辨冷暖於疑似之間。索虛實於冥漠之中。豈易易乎。其診與方合。病與藥值。而後可始與言醫而已。吾友匡輔。三世其業。既承家訓。猶以爲不足。慨然負笈千里之外。得中神氏於京師。學焉數歲而歸。歸則言論纒纒可得而聽也。於才診六徵之技。陰陽不測之術。一循師家之規則。標幟傳響以爲己有。唯其有之。是以似之。且言余初所志者。欲遍問洛誥名家。搜其帳秘。而營營逐逐。徒費神力。竟無所得。是以輯錄師家經驗之言。夜間燈下。稍稍牋一二紙。積日之久。集而成冊子。其方則吾師神知所發。妙手所施。治驗之迹。了然可觀。獨意記寫綴敘滯澁脫略。恐不能宣其義。雖然文句之陋。青囊家素所不取。况方脈之言。以辭爲勝哉。但如其事實。毛舉纖微。苟可傳以爲法者。無遺漏也。於吁。祕諸帳乎。抑公諸世。與獨再三思之。懷其寶不如表章其言。令人免夭折之患。遂刻示諸同門。不窺室家之好者。若能隨余所選。斯繹斯取。思通半矣。其書上下卷。主名論候。無不具備焉。若夫金石奇疾。剗炙異病。汗于陰。下于陽。參附于沈。石黃于浮。無足異者。至吐以下劑。溫以冷藥。斷然不疑。則不可得而測知者。余嘗見其所著醫談。非溫補主攻擊。以張一己之說。竟不免自固之誹。自言其青年客氣所令。然今此書所錄。非復彼偏倚可驚。詭劇可畏之比。取矩於周。嶺。

參術於宋元。旁撫西泮之所傳。博采衆方。折中古今。以立一家之才。可謂熟夫用之用。而不熟不用之用者。非邪。噫。秦漢邈矣。張機氏以還。誰謂無張機氏。西州逖矣。誰謂東方乏其人。余也武人。雖未嘗存心於刀圭之技。於琴溪氏竊嘆夫醫之不難明矣。鄉者匡輔親炙之日淺矣。若能再游而潤色。鴻業則十全之効。蓋有所期。是所望乎匡輔也。享和癸亥季冬。

同藩 生駒厚撰

生生堂治驗目錄

卷上

發癍紫黑	一	浮腫	五
兩目生翳	一	癰癤	六
妊娠水腫	一	瘀熱發黃	六
微毒	二	瘀血發瘡	六
腎腿生癰	二	腎膜遮睛	六
產後塊痛	三	便血	七
腹脹	三	咳嗽遺溺	七
妊娠頭痛目翳	三	痧毒發瘡	七
微瘡	四	微毒喉痛	八
微毒作痛	四	微毒發癰	八
癰狂	四	微毒	九
頭瘡	四	搗死治法	九
雙眼澀痛	四	四肢疼痛	九
麻木	四	頑癬	〇
臟結	五	腹痛	〇
痧毒	五	浮腫	一
		手指痿弱	一

微瘡輕粉發毒

一 厥仆損傷

一六

腹脹咳嗽

一 哮喘

一六

身腫短氣

一 肝聲驚人

一六

微瘡潰爛

一 熱結膀胱

一六

身發奇痒

一 下疳瘡毒

一七

痧毒頭痛

一 痘

一七

兩足不伸

一 腹癰

一七

洩血

一 肢腫黃病

一八

心痛

一 傷寒食復

一八

血室有熱

一 微毒發瘡

一九

吃逆

一 交感小腹急痛

一九

痧病瘰癧

一 失瘡

一九

癰狂

一 微毒陰瘡

一九

膝腫不伸

一 悲怒卒倒

二〇

遺毒發瘡

一 傷寒

二〇

咳嗽白沫

一 消渴

二〇

脫肛

一 痧輕厥逆

二〇

奇疾

一 驚風吐乳

二一

喘急

一 微毒腳舉

二一

痧毒

二二

下利

二八

酒毒

二二

嬰兒口腫

二八

噎膈

二二

痘瘡

二八

癩病

二二

腳氣

二八

狐惑

二二

產後嘔吐

二九

卷下

熱入血室

二五

產後水飲嘔吐

二九

交腸

二五

腫滿

二九

頭痛

二五

小兒驚病

二九

背痛肢攣

二六

胸痛嘔吐

三〇

癰狂

二六

泡瘡

三〇

胸痛

二六

畜血

三〇

麻木

二六

反胃

三一

頭瘡

二六

寒熱

三一

腫滿

二七

遺毒

三一

蛇蟲

二七

兒頭杵傷

三一

產後齒齬腫痛

二七

跌仆成癰

三一

腳氣

二七

脹滿

三一

反胃

二七

笑病

三一

腫脹

三二

微毒咳嗽潮熱

三九

痧症暴發

三三

傳尸勞藥

三九

鼓脹

三三

腹痛吐酸

三九

疳蟲

三三

耳輪作痛

四〇

腹痛

三四

右身不仁

四〇

經來腹痛

三四

寒飲嘔吐

四〇

陽明熱厥

三四

頭痛眩暈

四〇

微毒身痛

三五

痞滿惡食

四〇

咳嗽臭痰膿血

三五

眩暈

四〇

紫癍

三六

轉膝風

四〇

下血

三六

腰痛

四〇

中暑

三六

霍亂

四一

便秘

三六

耳聾腰曲

四一

發疹

三七

背癆

四一

惡阻

三七

腹痛

四一

漏產浮腫

三七

痰熱發黃

四二

痧毒眩倒

三八

背疽

四二

蛇虫腹痛

三八

脫疽

四二

微毒頭痛目翳

三八

脛不仁便常秘

四三

腹痛脚舉	四三	血症	四五
膝腫脚痛	四四	微毒耳聾喉爛	四五
蟲蠱痢	四四	奔豚	四六
胃中停水	四四		

生生堂治驗卷上

門人 小倉小野遜匡輔 輯

吾師琴溪先生。天稟之異。膽略過人。其揮擢刀圭。驅使藥石也。如長將使兵。龍韜豹略。奇正百出。機捷縱橫。所向無前。以小子所聞。見其起痼救危。溫補攻擊。各適其宜。百不失一。蓋思慮之精。施術之工。可謂醫之神者。古云。英俊隨醫卜信矣。是以乞治者。日盛月熾。莫不感其恩而服其妙矣。小子往者在干左右。私錄其治驗響應者。藏諸篋中。積得數紙。因繕次條記。謀諸同門之士。以上木公于世云。唯小子之拙。文字陳言。爛說不足盡其妙。愧懼良多。觀者莫以此而輕視先生幸甚。

【發癍紫黑】京師油小路五條。北近江屋甚助之妻。總身發癍。大者如錢。小者如豆。色皆紫黑。日晡所必發痛痒。又牙齦常出血。先生診之。臍下拘痛徹腰。與桃核承氣湯。兼坐藥。前陰出濃血。數日乃痊。

【兩目生翳】岩神街木屋某。雙眼生翳日久。先生診之曰。痧也。刺委中放血。日一次。三日乃痊。

【妊娠水腫】車屋街夷川北萬屋喜兵衛之妻。妊娠至五個月。患水腫。及分免尙甚。一醫人治之。用許多利水之方。劑無効。既而胸滿短氣。煩躁幾死。一坐倉遑。不知所爲焉。時向半夜。病者云。腹上律律似有水流狀。皆異之。卽披衾視之。臍傍腠理自開。腫水流漓。自是腫減者過半。然尙大便秘澀。形狀殊危。醫以爲表虛裏奪。榮陽益氣。亦不可及。勇退而去。因訝先生。

先生診之脈微而促。指甲暗黑。面色鮮白。四肢腫存半。按其腹無痛。唯臍下鼓然。如未製皮中包絮者。問家人曰。小便利否。答曰。就尋以來。未曾見其快通。即作麥門冬木通湯與之。小便利。大便秘。仍與前方數十貼。腹皮竟軟。爾後發癰狂呼妄置。晝夜無常。先生往將脈之。則張目舉拳。勢不可近。因換以甘麥大棗湯。服百數貼。而漸漸得復故。

麥門冬木通湯方

麥門冬三錢

木通四錢

右二味。以水三合。煮取一合溫服。

【徵事】一男子年六十餘。患微瘡。來請治於先生。先生診之曰。毒甚深矣。今不以輕粉朱砂輩治之。則後必悔。其人憚而辭。後半年餘。又來請。即診之。其毒殆結痼。先生爲言曰。毒非發於耳目。則必發于口鼻四肢。不急除之。恐爲廢人。又不肯。比及三年。總身麻痺煩疼。不能轉側。目盲耳聾。其族來謝罪。且謂渠前不用先生教。故今果如此。死無日矣。不忍坐視其死。渠縱令不治。一蒙辱先生之治。死且無恨。萬一得開生路。何惠如之。懇請不已。先生謂之曰。今百倍於初所見。非一旦以其最峻者攻之。則病勢不可撓屈。迺與七寶丸八錢四分。朝六分。暮六分。服之七日。咽喉大腫。齒齦斷切。吐出紫黑血。及涎沫約二斗許。凡二十有七日。始得起。由是諸症稍退。但目未明。更與風流湯。期年復常。

【腎腿生癰】寺街綾小路南象牙屋。入兵衛之女。年甫十餘。自膝至腎腿。其大幾類於中人。而無痛。色亦不變。身唯仰臥而不得反側。歲餘衆醫食

以爲疳癰。不可療也而辭。竟乞拯於先生。先生脈之細數而有力。按撫其腿膝間良久。顧謂門弟子曰。其狀殆難言。爾等按之。以能諦識諸掌。是此中大腫膿。不急除之。後必有大害。迺使召外科某具告由。某危疑有憚色。先生諭之曰。余有所見也。子解疑効驗乎。即使某以藥湯熨腿膝間。而與浮萍加廣東人參湯五六日。浮郤穴上果大泡起。又使某帖腐藥。遂潰膿水流出。二旬餘。得爲常人。

【產後塊痛】烏丸二條北丹後屋某妻。年四十。產後其左脇下。有一塊。閑臥則無所患。動展輒疼痛不禁。四肢亦然。如此者二年。然身體常肥大。先生診之。心下滿。卽與桃花湯取瀉。日三行或五行。月餘乃愈。塊亦自消。

【腹脹】四條堺街西近江屋總七之妻。患腹脹者一年餘。先生與之桃花湯下利。則其腹從軟。利止復脹滿如初。因作雞屎白散服之。小便快利。百餘日遂愈。

雞屎白散方

雞屎白二合

麴一升

右二味。細末。以白湯下之。日二錢。

【妊娠頭痛目翳】河東小野田屋重兵衛之妻。妊娠五月。患頭痛。六月左眼生浮翳。遂失明。右眼尋亦發赤色。醫治多方不効。先生與涼膈散。作吹鼻散兼用之。使以出鼻涕。眼翳隨去。數日全差。又一婦人年二十餘。妊娠七月。頭痛如割。而雙眼赤色。如湧血。左遂不得視。復以前方療之。

吹鼻散方

瓜蒂

皂莢各等分

右末搐之鼻內。

【蠱瘡】一娼婦二十歲患蠱。先生診之。脈沉澁。而非全無力。顏色青黃。肌肉消瘦。咳唾白沫。額有一瘡。其口流膿。滴滴然。陰門亦腐爛崩塌。臭氣掩鼻。自謂曰。賤妾始所請醫藥。皆如應。而不應。羈遲數年。桂萼至此。病最奇。胸中鬱悶。飲食減少。今願委治於公。生死唯命。先生即與涼膈散。并以七寶丸三分服之。居二三日。口爲之將腐爛。因以龍門丸三十許丸下之。如此者。十數次。口遂不爛。疾亦漸漸而愈。

【蠱毒作痛】錦小路近江屋治兵衛妻。四體疼痛。痛處無定。或手或足。或在其左。或在其右。醫認爲風毒治之無驗。脈沈結。舌上白苔。其臍旁有一塊。先生曰。蠱毒也。與龍門丸一錢。酒服之。即大瀉泄。幾皆倒矣。稍覺其痛減。更飲浮萍加大黃湯。十許日。復與前丸。如法服之。月餘全已。

【癩狂】夷川間街北井筒屋喜兵衛妻。發狂癩。發則欲把刀自殺。或欲投於井。終夜狂躁不寢。聞則脫然。謹厚女功無一怠。先生以瓜蒂散一錢五分。上湧三二升。服白虎加入參黃連湯。不再發。

【頭瘡】佛光寺街山形屋久右衛門之妻。患頭瘡。其瘡蔓衍。狀如覆釜。歲餘不愈。先生與浮萍加大黃湯。時時以龍門丸一錢取瀉。不出十日復故。【雙眼澁痛】佛光寺火宅僧妻雙眼澁痛不開。先生診之。小腹拘急。與桃核承氣湯。兼用吹鼻散。一日大嘔。眼疾全愈。

【麻木】柳馬場四條南丹波屋九兵衛。年三十。總身麻木。目不能視。口不

能言。其人肥大。性好酒。先生診之。脈盛而不結。心下急。喜嘔。即飲三聖散六分。不吐而暴瀉五六次。越三日又服。分量湧出可三升。由是目得見。口得言。兩手亦漸漸得動。後與桃花湯百餘貼全已。

【臍結】高倉錦小路北桔梗屋某僕二十歲。哺飯後可半時。率然腹痛入陰囊。陰囊挺脹。其疼如刺。身爲之屈。不能復伸。轉轉悶亂。叫喊振伏。遽迎先生診之。其脈弦。而三動一止。或五動一止。四肢微冷。而腹熱如燔。囊大如瓜。按之石硬。先生曰。此不可治。即張機所謂臍結入陰筋者死是也。如此疾余嘗見二三人。輒大黃芒消烏頭天雄。或銚鍼以挫其急。暴然皆自如不起矣。爲憫然。拱手苦思者良久焉。病者皆憤之中。愀然告曰。心下有物。如欲上衝咽者狀。先生聞之。乃釋然撫掌謂曰。汝可拯矣。以瓜蒂散一錢。湧寒痰一升餘。次與紫圓三分。瀉五六行。及其夜半。熟睡達明。前日之病頓如忘。居三日自來謝。噫。呼師遇若病作若奇術。實神之所通。人有不可知者。

【痧毒】一男子。年二十。胸膈鬱塞。似痛不痛。時時嘔吐。每吐鮮血線線。從之。先生診之。脈結而口吻黎黑。舌生白苔。曰。此痧病也。便刺口吻。及手大指頭。及尺澤。取紫黑血。病乃愈。

【浮腫】六角新街東松屋重兵衛。通面浮腫。口爲之被封。纔得飲粥。數日。然猶無有他患。先生切之。脈浮數。背強惡風。無汗。頭痛如錐。與葛根湯十數貼不應。因以瓜蒂散五分。嘔其粘黃水六七合。明日復以葛根湯發汗。

如流。諸證霍然。愈。唯腫氣十餘二三。轉葛根加烏頭湯。

【癩癧】一婦人。幼而患癩癧。長益劇。立輒暈厥。有少時而甦者。日一二。如此三十有餘年。而衆醫雜療無效。其主人偶聞先生異術。乃來請治。往診之。脈緊數。心下硬滿。乳下悸動。乃謂先生曰。心神惛惛。不須與安寢食。數十年一日也。視其顏色。愁容可憐。先生慰之曰。可治矣。病婦實信之。乃服柴胡加龍骨牡蠣湯。精神頗旺。調瓜蒂散五分。使吐粘痰升餘。臭氣衝鼻。滅毒過半。或五日。或六日一發。凡期年全愈。其間行吐劑約之十六度。渠性忌雷。每聞雷聲隆隆。輒發前病。自用瓜蒂散以往。迅雷震動。舉家畏伏。蔽耳。渠獨自若不畏。於是乎益懷先生恩。終身不忘云。

【瘀熱發瘡】富小路五條北。伏見屋重兵衛。年三十。心中懊惱。水藥入口輒吐。經日益劇。先生視之。眼中成黃。心下滿。按之痛。乳下肩動。紊亂不定。先生爲言曰。此瘀熱在裏也。蓋不日身當發黃色。迺食鹽三五匕。以白湯仰吞之。大吐冷水。更與茵陳蒿湯。身果發黃色。圈黑糞。仍服前方十有五。日復常。

【瘀血發瘡】一婦人。年三十。久患頭瘡。臭膿滴滴。流而不止。或髮粘結。不可梳。醫因以爲微毒。攻之不愈。痛痒無止。請之先生。其脈弦細小。腹急痛引腰腿。曰。瘀血也。投桂枝茯苓丸。加大黃湯。兼以坐藥。不出月全瘥。後一夜腹痛二三陣。大下畜血云。

【翳膜遮睛】一婦人。年四十。頭痛項背強。兩眼翳膜遮障。積年。以茶調散

六分。乃快吐。後桃花湯取瀉。不日愈。

【便血】一男子。腰痛。每大便下血者合餘。面色鮮明。立則昏眩。先生處桂枝茯苓白朮甘艸加五靈脂湯頓愈。

【咳嗽遺溺】一婦人。行年三十餘。每咳嗽。輒小便涓滴汚下裳者。數回醫。或爲下部虛。或爲畜血。萬盤換術。百數日。先生切按之。其腹微滿。心下急。按之則痛。牽兩乳及咽。而至咳不禁。與之十棗湯。每夜五分。五六日差。

【痧毒發瘡】柳馬場綾小路南近江屋三郎兵衛父。年七旬餘。人中發行。疔頭紫黑。四邊泡與唯覺痒而已。總身煩熱。口苦咽乾。其子來請曰。吾聞疔瘡之爲毒也。猛劇。少壯之人。尙且可懼。况家翁春秋高。氣力甚衰。唯恐其不堪。先生乃診之。脈遲。曰。郭志鑒所謂脈證相反者。痧也。翁之所患。亦痧而非疔也。今毒所釀。雖纔在於寸步間。不速治之。以砭石。則毒必陷攻其內。竟至以蔓衍。卽瘡不旋踵。窘迫如此。老少強弱何別焉。然則安危之機。在今日所任。唯砭石而已矣。他奇方毒藥。非所能及。譬之猶蝥蝻之生于園也。其始生纔在一枝一葉。速折其枝。剪其葉。則其災一朝可除。不然則孰孰蕃息。至舉園死之。三郎兵衛大悅。託治先生。迺以鉞鍼十字截之。入二步而深。血迸食。頃氣宇爽然。翌亦刺血滴二合。三四日腫減。諸症盡退。又建仁寺街四條南道具屋仁兵衛。行年四十有二。兩眉間生一瘡。有奇痒。往來寒熱。其他食飲無所異。衆醫皆以爲疔。先生脈之短盛。而參伍亂列。曰是痧也。可速割去毒血矣。因引前老人之病以證之。其人不可明。

日復往喻之。猶有憚色。爲言曰。然則先試延他醫診視之。一醫視之曰。形色不變。聲音如常。非危證也。乃帖膏藥於瘡上。於是愈不信先生。而其夜遽走人來叩門而請曰。果如先生之言。今病者通面渾然。狀腫呼吸塞迫。呻吟之聲達四隣。衆醫皆辭去。唯仰先生辱臨耳。辭曰。毒既熾矣。余往亦莫奈之何。使人復至。不得已。往見之。脈絕四肢厥。鼻內腐爛。膿血如湧。呼吸之氣甚臭。曰。不可濟。竟不投藥而歸。訃尋至。

【蠱毒喉痛】一男子。咽喉腫痛。一醫刮之出血而疾頓已。日後尋復發。其腫痛倍于前。飲食不下。死在旦夕。先生迺窺其咽中。赤如燃。而舌白苔。曰。嚮陰莖發一瘡。不待藥自愈。先生曰。蠱也。與章門丸一錢服之。經二日。其人自來謝曰。服已畢。而腹痛暴至。瀉下數十行。以達曉。而腹中缺然。腰脚罷弱。力不能出廁。匍匐就寢。便食餅子數枚。咽喉不痛。始知其疾之愈矣。後與再造散以酒服之。數月不再發。

【蠱毒發癰】釜坐樞木街北石野長右衛門之家。保年三十餘。患蠱毒日久矣。自肛門至陰囊其間。潰作巨孔。腐膿淋漓。食飲頗禁。形體悴羸。而煩熱盜汗等諸證。日篤。治理百端。功皆不就。偶聞先生一代名醫也。急延視之。其脈數而暗帶力。曰。可治矣。與風流湯兼龍門丸。每日服三十丸。百餘日。毒盡除。唯以胸中彭滿。飲食猶未進。先生謂病夫曰。今疾既已矣。而獨所以食之不進者。無他。佳味珍羞常不撤枕邊。而飽厭其氣之所致也。請屏之。絕食三日。以開胞內。病者慎守教。一日半飢不自堪。乃就食。則覺菜